

“Laür davert por la jonëza”: l' Sorvisc ai Jogn dà ai jogn la poscibilitè tratan le proiet da se incunté y se devertí cun sù compagns te sù païsc. Tratan le tēmp de scora él vigni lūnesc dales 15:00 ales 19:30 le local di jogn davert olache ai é bëgnodüs.

L'KVV de Badia organisëia n **curs de bal lisier** por jënt da mesa eté insö vigni mertesc te Ciasa Runcher dai 07.10.2014 inant (16:00 - 17:30) por 10 iadi. L'curs vëgn tignì da Giovanna Moling y al é da se prenoté pro Giuvana al nr. 0471/839772.

Referat: „Vire te na manira sana“, cun le Dr. Robert Craffonara en mercui, ai 08.10.2014 dales 15:00 te Ciasa de Palsa a S.Martin. Düc é invià.

Curs “*Erziehung leichter und freudiger*”: al é ciàmò lerch por tó pert a chësc curs por geniturs, de trëi incuntades, che mèt man en lūnesc ai 6 de otober dales 9.00 a La Ila, Cassa Raiffeisen. Info y iscriziuns pro Sandra tel. 3487821170.


La Zëntrala di Consumadus é da ciafè vigni 2. y 4. vëndres dl mèis dales 9:00 ales 12:00 tla sënta dl Raiun Sozio - Sanitar a Piculin 3° alzada. I proscimi terminns: 10 y 24 de otober, 07 y 21 de novèmber. Por consulënza o informaziuns 0474/524517.

Le grup de tēmp lëde “Atmosfera” por ères y ëi atocà da problems psichics se incunta indò en jöbia ai 16 de otober 2014 dales 15:30 tla sënta dl Raiun Sozial Val Badia a Picolin. Informaziuns plü monüdes ciafëise da Siglinde Erlacher tel. 0474/524519 e-mail: siglinde.erlacher@bzgpust.it. Düc é dër bel invià.

La biblioteca Sas dla Crusc inviëia düc i mituns y les mitans ala presentaziun dl liber y dla CD “*Florian y le pice igl*” en jöbia ai 09.10.2014 dales 15:00 te biblioteca a La Ila. Al gnarà cuntè la storia, ciantè y pastelnè.

N curs de Qi Gong cun Gertrud Oberbacher vëgn tignì vigni mertesc dales 08:30 tla Ciasa dla Cultura/La Ila, salf sot la biblioteca. Cost: 70 €.

Mostra: en vëndres, ai 10.10.2014 dales 18:00 saràl tl Istitut Micurà de Rù a S.Martin la daurida dla mostra de Manuela Dasser, Maria Pezzedi y Ursula Tavella che restarà daverta cina ai 27.10.2014.



Tel./Fax 0471 839571 - E-Mail: parrocchiabadia@libero.it - www.valbadiaonline.it


Nr. 45

Edema: 05.10. - 12.10.2014

Vangele dla Dumënia che vëgn - XXVIII° dl Ann „A“. (Mt. 21,1-14)

Te chël tēmp ti à Gejù cuntè ai gragn proi y ai plü vedli dl popul chësta parabola: Cun le règn dl cil éra sciöche cun n re, che à arjigné ca la noza de so fi. Al à menè sù sorvidus a cherdè i ghesc invià a noza. Mo ai n'orò nia gnì. Dailò àl ciàmò n iade ortié sorvidus y ti à racomanè: Dijedi ai invià: Mi past é arjigné, i bos y i tiers da maza é tué ia, döt é arjigné. Gnide a noza! Mo ëi ne s'un fajò nia d'infora, un deperpo é jü te so ciamp, l'ater te súa botëga, indò d'atri é jüs porsura sù sorvidus, i à tortorè y i à copè. Sëgn s'à le re dessenè; al à menè sùes trupes, à fat copè i assassins y a súa cité ti àl taché fùch. Spo ti àl dit a sù sorvidus: Le past da noza é arjigné, mo i ghesc n'è nia dëgns de gnì invià. Jide porchël fora söles strades y inviede düc, chi ch'i incuntëis, ala noza.

I sorvidus é jüs fora söles strades y à condüt düc adöm chi ch'ai à incuntè, ri y prosc, y le salf da festa s'à impli de ghesc. Canch'ai s'à albü sentè jö y le re é gnü ite por odèi i ghesc, àl odü danter ite n chestian, che n'è nia le quant da noza. Al ti à dit: Mi ami, cò aste pa tó podü gnì ite chilò zënza quant da noza? Mo chël ne dijò ma nia. Ailò à le re comanè sù sorvidus: Liedi les mans y i pïsc, y sciurèdele fora tla maiù scuritè! Dailò bradlaran y rotaran i dënz. Deache tröc é cherdà, mo mà püc prelità.



Festa de Santa Maria dl Rosare

FUNZIUNS SACRES

05.10. XXVII. DUMËNIA dl ANN A - S.Maria dl Rosare

- 10.00 Mëssa por la Comunità
15.00 *Traslaziun de Chël Bel Dî da La Crusc a S.Linert*
18.00 por i novic Christian Tavella y Angela Di Carlo
†ti Hermann y Antonia Nagler
†ti fredesc de Runch

07.10. Mertesc – S.ta Maria dl Rosare

- 14.00 Pescol: Mëssa cun l'Senioreclub
19.30 por i novic Monica Nagler y Ivan Dapunt
†to Konrad Dapoz - aniversar
†ti dl Strüm

08.10. Mercui - Mëssa cun i scolars dla elementara

- 07.30 †ta Paola Valentin da Pransarores
†ta Sabina Campeï
†ti Nagler da Pedraces

09.10. Jöbia – Mëssa cun i cresimané dl proscim ann y studënc

- 19.30 †to Lois Irsara da Castalta
vis y †ti dla familia de Hildegard Lasta
por fam. de Trinele Pizzinini Valentini

10.10. Vëndres

- 07.30 †ti siur Laurënz Irsara - aniversar
†to Lois Irsara de Jan (dala Uniun di Èi)
†ti Paul y Afra Declara

11.10. Sabeda

- 14.00 Noza de Silvia Irsara y Richard Agreiter
16.00 Mëssa a Oies

12.10. XXVIII. DUMËNIA dl ANN A


- 10.00 Mëssa por la Comunità
15.00 *Prozesciun cun Chël Bel Dî da La Crusc*
18.00 †to Serafin Ploner - aniversar
†ta Rita Rungg Irsara – aniversar
†ta Rosa Crepaz – aniversar

• Oferta por les misciuns di Steyler miscionars •



Dala VITA dla CÜRA

Preparaziun al maridé : te calonia y jö a pé de dlijia ciafëise les brosciüres di cursc en preparaziun al maridé 2014-2015.



Senioreclub: düc é invià en mertesc, ai 07.10.2014 dales 13:30 dan Ciasa Runcher por jì ia en Pescol olache al sarà dales 14:00 na santa mëssa y dedô jarunse sö en Runch.

Caritas: en mertesc ai 07.10.2014 sarà dales 19:30 te calonia na incuntada dla Caritas dla Val Badia. Düc é invià.



Leturs: en jöbia, ai 09 de otober o en mertesc ai 14 de otober ciafëise do mëssa dales 19:30 te dlijia val' informaziuns sö sorvisc da letur. Präibel gnide.

Oferta: en dumënia, ai 12.10.2014 jarà l'oferta ai miscionars Steyler. N bel giulan dl'oferta de 313,98 € che é gnüs traç ite ai 14 de setëmber por l'Vinzentinum.

La festa dla racoiüda gnarà tignida en la festa de S.Linert.

La Uniun dles èles de Badia inviëia dütes dër bel a gnì en lünesc, ai 13.10.2014 ala Via Crucis da Pescosta a Calfosch. An pëia ia da Pedraces dan la Cassa dl Sparagn dales 13:00 cun auti privaç óina a Pescosta y spo por n tru cürt y nia sfadius ruvun a Calfosch olache al sarà te dlijia na picera funziun y dedô n bun domisdé tla pension Vittoria.

Pelegrinaje: en sabeda, ai 11.10.2014 dales 15:00 pëia ia da S.Linert a Oies n pelegrinaje dla Uniun di Ladins.



En lünesc, ai 06.10.2014 complësc **Anna Senoner Rudiferia** da Pedraces 83 agn. L'Senioreclub y düta la Comunità de Badia ti aoda düt l'bun, sanité y benedisciun de Dî.